

奏事

凡

王遣使至

朝廷不須經由各衙門直詣

御前敢有阻當者卽是奸臣其

王使至

午門直門軍官火者火速奏

聞若不奏

聞卽係奸臣同黨

祖訓



正統九年令各

郡王奏事以所奏事理先令長史司啟

親王知參詳可否然後出批付令奏

聞惟機密事不在此例

弘治十三年申定各

郡王并將軍中尉凡有奏請先令長史司

具啟

親王知會參詳可否若應該具奏者然後給

批差人齎奏如違該衙門將齎奏人員并

教授一體參究其所奏事件仍行長史司

具啟

親王查勘參詳明白具奏方纔施行若機密

重事或與

親王事有干涉及

郡王分封相離寫遠不在一城居住者許令

徑自具奏本府將軍以下俱啟

王代奏若事與

親王無干不係機密重情無故驀越具奏者

所司備查前例上

請區處若已經叅詳奏行勘問未結重復奏擾  
卽將奏詞立案不行

嘉靖七年禮部題王府事例成憲具存而  
亡賴奸人乃有假請託以給物者使宗室  
有越分妄求之愆有無辜妄費之怨所求  
遂則利歸群小不遂則怨歸公朝請將正  
德四年本部題准

累朝政令及改元以來事干宗室擬議奏行可

爲定例者併查附錄刻成一書頒行天下

王府知會凡有襲爵

請封

請名夫人儀賓故絕王爵乞封妾媵等

事欲具奏乞恩者長史教授查例而行春  
秋二季遣官類奏不合例者卽爲諫阻仍  
前將碍例事情奏擾罪坐長史教授并撥  
置之人其差人誑帶財物者俱聽緝獲送  
回照例發遣

嘉靖二十年

詔各

王府一應不急之務俱各差人類奏  
凡

郡王將軍中尉等有應奏事理卽於春秋具  
啟本府

親王轉奏其緊急事務仍依舊制  
各

王府公差人員到京除該引見者照舊外其  
不在常例者俱赴鴻臚寺報名謝

恩見辭

俱會典六

嘉靖二十二年禮科都給事中劉大直等  
奏近日各宗室章奏煩瀆多由奸徒投充  
撥置營差入奏厚齋金帛潛住京師例外  
比例恩外乞恩謀畫萬端期于必得徃徃  
借口關節侵牟無算欺蔽宗室汚辱朝士  
請嚴爲禁例

上是其言令

諸王以後務自點檢戒諭宗室敬遵

祖訓一切事宜必與令甲相合方許遣奏如有  
法外乞恩再三奏壅者所司卽劾奏之其  
奏使事竣不還延至半月以上者捕治不  
貸

四十五年

詔鴻臚寺自後各

王府以訐愬等項私事至者先將齎奏人役  
簿錄在京俟命下之日查有奸弊卽拘  
送法司問罪其以進表公事至者事畢而  
勒限出京不許潛留探伺

驛傳

親王之國

勅符事號赴

內閣謄寫其底簿付印綬監照收  
凡

親王府各給船馬符驗六道以供

王遣使奏報所用

會典

洪武二十八年令

王府公差人員但係尋常事務及各  
王禮節往來並不許馳驛有擅應付及假以  
軍情爲由馳驛者處死

洪武三十五年令

親王之國隨行內外官員及有執事旗校厨  
役人等沿途有司應付口糧本府駕馬騾  
及護衛官軍下隨侍馬匹應付草料隨侍  
官軍回還亦准支

一各

王府差人赴京奏事者准順贖本府  
勅書支廩給應付雙馬站船到彼任起  
一各

王府內使內官奉

欽依往本府應役支廩給應付雙馬每名各帶  
家人二名支口糧應付驛驢各一頭撥車  
各一輛到彼任起

一禮部題差各

王府內使內官伴送各

王妃妾并男女回府內官支廩給應付下等馬一匹水路站船

王妃等俱支口糧驢各一頭

一各

王府差人春秋類奏止許一人官支廩給非官支口糧應付驛驢一頭紅船一隻往回應付

一凡

親王差人進表進貢慶賀止許一官二旗其郡王差人進表進貢慶賀止許一官一旗官支廩給旗校支口糧應付驛驢紅船以後若遇二三差者因所給勘合有限并填一道者回還之日查其所差人數填給應付一各

王府差人關領銘旌鳳鈎用印寶匣儀仗等項官支廩給旗校支口糧應付驛驢紅船關領物件驗扛撥夫

凡各

王府進貢等項成化五年准令差內外官一  
二人護扛軍校一二名扛多者不過五名  
凡

親王乞

恩等項成化六年奏定每歲春秋各一次差人  
馳驛類奏

成化十六年奏定各處

親郡王府差儀賓等官進表箋進貢繳

勅謝恩等項重事及乞 恩回奏繳冊圖等項

不急常事俱支廩給非官者支口糧

嘉靖十一年題

准各

王府有符驗除機密重情徑自起關應付其  
餘各

王府進貢類奏等項應給關支者赴巡撫都  
御史無巡撫處赴巡按御史查例無礙方  
許掛號應付

三十七年題



准

王府勘合舊例俱赴各該撫按衙門告領今議路隔遠者

親王不過十二道不甚遠者

郡王皆止七八道俱咨行彼處巡撫衙門每年總給長史教授官收貯候用

三十九年題

准

親王初封之國編印勘合一百道送長史收

貯應用完日照例移文另行印給

凡

親王之國嘉靖四十年題

准供用膳餼及隨從廩給各有字號景府例供用膳餼二

分宮字號廩給三十九分官字號廩給一百七十分文字號廩給三十二分武字號廩給三十九分枝字號廩給六百分軍字號廩給一千一百分匠字號廩給一百分

并各號合用車輛船隻人夫等項各照原

號每號給與印信長單一張備關官役職

名應支廩糧數目逐一填入單內類奏散給

萬曆二年議定凡

宗藩勘合許各

王府差來員役執批告領本司驗批給發即  
于封袋上填註發行日月及姓名期限仍  
置立文簿登記

凡

親王之國及鎮守巡撫等官奏請符驗俱從  
兵部奏行本司覆奏關領俱會典

永樂中

成祖賜晉王濟喜書曰比有自山西來者言爾

弟濟玄數以圖書擅給驛馬我國家定制遇急務以符驗給驛馬無符驗而擅給者有罪爾為之長兄宜善諭之使奉法循理永保富貴庶不辱前人爾有愛弟之譽朕亦不失親親之道  
實錄

賞賞

凡早朝

王府公差人員見辭奉

旨與酒飯俱光祿備辦祇待

凡

王府差來進表箋人員每人賜盤纏鈔一錠

各

王府差來進禮物人員二十錠其

王府內外官員每員別給綵段一表裏

蜀王府進扇差來人賞鈔五百貫

凡

王府差來人員常例下程一次鵝二隻鷄二

隻酒五瓶米五斗蔬菜厨料

會典

勤美曰

洪武時

親王奏事直至

御所今一切慶賀表章例由鴻臚而它實封詣

銀臺不復徑達矣出納惟允未必非

諸藩之福也至使人猶有賞勞則親親異數

于是乎在

宴饗

凡大宴禮儀洪武十八年定

其日設

王座于存心殿設酒亭于座西南膳亭于座東南設文武官四品以上座次于殿內東西相向酒尊食卓于殿外五品以下座次于兩廊設細樂于殿內大樂于殿外典儀啟請陞座

王服常服出樂止引禮引文武四品以上官

及長史詣殿內五品以下殿外列班北向  
讚鞠躬樂作四拜樂止進筵有花則進花  
進訖樂止色長跪啟一奏喜千春之曲次  
唱樂作進第一爵酒讚各官跪色長跪唱  
進酒飲訖樂止讚衆官俯伏興就座執事  
者進各官卓樂止有花則散花樂止色長  
跪啟承應畢進第二爵酒色長跪啟二奏  
永南山之曲各官起立斟酒畢復坐執事  
者隨斟各官酒色長跪唱進酒飲畢樂止  
進湯鼓吹響節前導至殿外大樂作各官  
起立進畢復坐執事者卽供各官湯色長  
跪唱進湯樂作食畢樂止色長跪啟承應  
畢進第三爵酒色長跪啟三奏桂枝香之  
曲進酒進湯如前儀色長跪啟承應畢進  
第四爵酒色長跪啟四奏初春曉之曲進  
酒進湯如前儀色長跪啟承應畢進第五爵  
酒色長跪啟五奏乾坤泰之曲進酒進湯  
如前儀色長跪啟承應畢進第六爵酒色

長跪啟六奏昌運頌之曲進酒進湯如前  
儀色長跪啟承應畢進第七爵酒色長跪  
啟七奏泰道開之曲進酒進湯如前儀畢  
收爵進湯及大膳如前儀畢收膳色長跪  
啟承應畢讚徹案自下而上讚起文武官  
如前列班樂作四拜樂止分東西序立與  
儀跪啟禮畢樂作引

王還宮樂止各官以次出常宴五爵禮儀同  
凡遇正旦

聖節

王壽日設宴用花餘宴不用

二十五年令僉事係方面官許入殿坐於

長史之上

俱會典

大樂

凡樂工樂器洪武初定

王國宗廟樂生三十六人鐘磬各一瑟二琴  
八埴箎簫笛各二笙四祝敔各一搏拊二  
歌工八舞生七十二人文舞三十六人各

執羽籥武舞如文舞之數各執干戚中各  
以二人爲引

又定

王府樂工例設二十七戶於各

王境內撥與供用

十五年定樂工樂器冠服之制凡朝賀用  
大樂樂工二十七人樂器用戲竹二頭管  
四笛四杖鼓十二大鼓一花梨木拍板一  
冠服用紅絹彩畫胸背方花小袖單袍有

花鼓吹冠錦臂鞞皂靴抹額用紅羅彩畫  
束腰用紅絹宴禮七奏樂樂工八人樂器  
用紫竹簫二紫竹笙二箏二花梨木拍板  
一冠服同前迎膳大樂樂工八人樂器用  
戲竹二笛二杖鼓二小鼓一花梨木拍板  
一冠服亦同前其餘樂工冠服用綠絹彩  
畫胸背方花小袖單袍無花鼓吹冠抹額  
以紅絹彩畫束腰以紅絹  
正德四年奏定

王府樂舞生照例將有度牒無過犯進士補  
充不足於黜退生員內選補禮生取附近  
相應人戶或黜退生員選補不許過額如  
有富民額外營充謀避差徭者事發問如  
律

嘉靖三十三年

樂安建安弋陽江西三郡府給樂工十二戶  
每府分管四戶以備祭祀遇有迎接  
詔勅及進賀表箋則十二戶通行供事毋致迤

竄永不撥補

嘉靖四十四年議定各

王府有廣置女樂淫縱宴樂或因而私娶花  
生濫封今後合行裁革如遇迎接

詔勅拜進表箋朝賀宴享等項卽于本府吹鼓

手教演充用

益府奏題今改復舊制

萬曆七年例

郡王原無撥給樂工不許妄援奏討其另城  
郡王如遇迎接



詔赦等項行禮許有司撥送吹鼓手十二名應用事畢卽回原州縣當差

萬曆十年議准改正樂工凡

親王迎接

詔勅及朝賀宴享合用樂工各該布政司遵照

會典所載原額查將先年各府退出數內

撥還二十七戶聽候供用但不得狎近女

樂致有花生冒濫之弊

俱要例

樂章

宗廟

迎神

翕清之曲

天錫厥祥本支蕃昌守茲方國自我

先王廟祀孔嚴祠享有常昭格式時綏惠無

疆

初獻

純清之曲

惟

王令德顯承

皇祉受此家邦克綏孫子享祀孔時黍稷芳旨

昭茲孝誠聿來咸喜

亞獻

皦清之曲

荷

皇祖德受此封國

先王有慶承其懿澤風馬雲車來享來格孝

思弗違永永無斁

終獻

繹清之曲

我躬何自

祖考之遺孰謂遠而降臨在茲祇承祀事式

展孝思庶鑒厥終無遽言歸

徹饌

協清之曲

孝思靡極祀禮有終靈不顧留瞻望忡忡

鐘磬在懸俎豆潔豐庶弗遽遺錫福無窮

還宮

永清之曲

邦國乂寧祠事既成禮儀無愆神鑒孔明

旌旆洋洋陟降如生烝嘗終古孫曾是承

社稷

迎神

廣清之曲

仰瞻兮神靈望雲旗兮奉迎駕鸞鳥車兮如  
聞有聲儼來臨兮歆祀庶昭鑒兮衷情

初獻

壽清之曲

惟土惟穀兮民命攸資邦家享祀兮以報  
以祈奠居粒食兮功莫與夷敬陳俎豆兮  
神其鑒之

亞獻

豫清之曲

陳牲俎兮列粢盛神昭鑒兮赫厥靈表微  
衷兮再獻惟歆享兮予誠

終獻

熙清之曲

酒終獻兮神怡祥光霽兮壇壝神之靈兮  
在茲目瞻望兮如見之

徹饌

雍清之曲

三獻成兮徹豆籩愧菲薄兮心惓惓惟豐  
稔兮有年享報祀兮綿綿

送神

安清之曲

神既享兮心怡遙瞻送兮雲車回幡幢隱  
隱兮祥風吹荷神惠兮心永懷

望瘞

時清之曲

春祈秋報兮歲有常禮既成兮迺瘞迺藏  
神功普兮祀不忘世世相承兮民樂康

山川

迎神

保清之曲

神之來兮揚靈氣氤氳兮充庭群神從兮  
森旗旌陳祀事兮瞻迎

初獻

中清之曲

高深氣通兮與天合靈升雲敷澤兮萬靈  
生成捧牲帛兮酒既盈物雖匪豐兮神鑒  
厥誠

亞獻

凝清之曲

胙土立邦兮百神效靈春秋祀事兮有常  
經神功大兮報莫能禮再獻兮表衷情

終獻

肅清之曲

神德著兮神功隆澤被生民兮時和歲豐  
酒雖終兮情無窮法神明兮感通

徹饌

晏清之曲

俎豆徹兮獻已終  
既歆享兮鑒微衷  
禮儀不備兮難報神功

送神

和清之曲

神來臨兮靈洋洋  
神之去兮靈旗翔  
中心思兮何日忘  
目遙瞻兮拜送顧  
斯禮兮有常

望燎

長清之曲

神車旋兮遙瞻望  
捧牲帛兮以燎以藏  
承祀事兮世守斯邦  
神垂惠兮民斯康

宴饗樂章

諸藩同

一奏

喜千春之曲

畫屋屏幃碧綠青  
紅殿階前排儀從  
相扶侍奉玉液瓊漿  
滿注金鍾喜意正  
濃獻瓊飴快供喜樂  
筵在錦繡叢中  
滿殿春風

二奏

永南山之曲

恭勤忠信謹三綱  
孝義謙和順五常  
冕旒舉止排儀仗  
是英雄濟世王  
惜農時舉薦賢  
良外明威尊重  
內尊君悌長  
保安寧富

貴榮昌

三奏

桂枝香之曲

昔聖躬教訓仁慈武藝精嚴達禮明詩舉  
止軒昂才高爽利拔萃天資作藩屏持平  
擬砥志相和同氣連枝豪氣雄姿壯觀皇  
基躋躋踰踰英俊當時

四奏

初奏曉之曲

碧瓦琉璃翡翠樓掌扇當頭蝦鬚簾捲控  
金鈎繡幙香風透內臣每捧金甌曉光喜  
氣神清秀見服章冠冕珠琉玉相輔列左  
右禮恭敬心忠厚聽仙樂齊奏拜殿下賀  
千秋

五奏

乾坤泰之曲

人生務本仁慈鞠育當孝弟忠勤錦衣王  
食居方鎮爵位稱尊設禮儀撫軍保民貴  
封王列鼎重裊常篤敬惟行孝順誠可報  
深恩

六奏

昌運頌之曲

千載長藩屏壯喜樂筵列王相樂天樂韻  
聲嘹唳舉瑤觴奉親王

七奏

泰道開之曲

封親王鎮四海和九州配三才玉葉金枝  
永列排理乾坤世界斟王液酌瑤臺欽

聖上恩臨廣大敬東宮孝義心懷美名和

通濟民諧威遠鎮南蠻北貊大哉氣槩雄

威壯哉樂千載安榮嘉泰此七奏樂章頗多訛謬蓋得諸

教坊傳誦之日侯覓原本正之

永樂年

周府進駟虞

恩賜大樂七章

諸藩無

其一

建宗藩之曲

荷

祖宗德隆深啟皇圖天心順壯山河社稷永致

雍熙四海昇平振綱維法度彰美教化彝

倫正萬國咸和文明運建藩國拱衛朝

廷垂甘露景星藹祥雲瑞應千萬歲海晏河清

其二

昭賢明之曲

建宗王撫大邦作藩屏爲保障伊瀍澗穀  
清鞏洛輶轅壯寅畏奉皇綱恭順守彝章  
惠愛仁心廣賢明令聞彰馨香爲善能謙  
讓流芳東平後世仰

其三

感嘉祥之曲

孝弟德通于上天天降鑒無幽不顯神后  
山特產騶虞質白文玄應星躔配麒麟與  
鳳鸞千萬載當今來見則待要款金門玉

墀進獻

其四

樂天倫之曲

古說騶虞應鵲巢摠不似見周郊賢王德  
行與神交合天道家國樂淘淘謙恭奉表  
思來効念天倫特重同胞奏鳳韶舉天樂  
開筵歡宴賞五色卿雲飄

其五

慶太平之曲

好風景民物總樂然同慶太平年賀嘉禾  
瑞麥滿良田驀地里騶虞降自天穹蒼特



把仁心顯天下士庶咸忻忻千秋萬歲王  
樓前錦山河煌煌花萼鮮

其五

保安和之曲

遍海宇仁恩曠蕩致雍熙物阜民康荷

祖宗皇明萬歲享福祿世世聯芳碧殿金鋪書  
敞鳳舞鸞翔對嵩嶽王竿注瓊漿撫洛州  
絲管奏宮商及時歡樂樂悠長寶體安和  
壽無疆禮樂綱常人人盡仰千載神靈相  
其七

鞏家邦之曲

墀進獻

其四

樂天倫之曲

古說騶虞應鵲巢揔不似見周郊賢王德  
行與神交合天道家國樂淘淘謙恭奉表  
思來効念天倫特重同胞奏鳳韶舉天樂  
開筵歡宴賞五色卿雲飄

其五

慶太平之曲

好風景民物總樂然同慶太平年賀嘉禾  
瑞麥滿良田騶虞降自天穹蒼特

把仁心顯天下士庶咸忻忻千秋萬歲玉  
樓前錦山河煌煌花萼鮮

其五

保安和之曲

遍海宇仁恩曠蕩致雍熙物阜民康荷  
祖宗皇明萬歲享福祿世世聯芳碧殿金鋪書  
敞鳳舞鸞翔對嵩嶽玉筆注瓊漿撫洛州  
絲管奏宮商及時歡樂樂悠長寶體安和  
壽無疆禮樂綱常人人盡仰千載神靈相

其七

鞏家邦之曲

論功賞分茅列土榮安寧萬里邊疆靜王  
廷千年福壽增

四奏

顯令名之曲

塞鴻秋

正宮

神孫聖子 先皇裔龍樓鳳閣封王貴金  
枝玉葉親兄弟茂膺景福皇明世頃刻不  
忘親至性合天意賢王大孝傳千世

五奏

輔景運之曲

醉太平

正宮

立朝廷大功建大節據忠安民濟世氣豪  
雄天生義勇親王再得臨民衆奠安宗社

王國典禮 卷之五  
勲勞重丹書金冊受專封享皇家受用

六奏 樂天倫之曲 上玉樓 中呂

親親弟兄怡怡天性父母劬勞骨肉深恩  
連氣分形無間情篤至誠王能和敬樂天  
倫萬年嘉慶

七奏 集鴻禧之曲 黃蕃薇 越調

光燦爛珠簾明繡幌氣氤氲金鼎裊仙香  
稱良辰天清氣朗盡水陸珍羞宴饗龍旆  
鳳節韻琳琅鸞簫象板按宮商金波玉液

論功賞分茅列土榮安寧萬里邊疆靜王  
廷千年福壽增

四奏 顯令名之曲 塞鴻秋 正宮

神孫聖子 先皇喬龍樓鳳閣封王貴金  
枝玉葉親兄弟茂膺景福皇明世頃刻不  
忘親至性合天意賢王大孝傳千世

五奏 輔景運之曲 醉太平 正宮

立朝廷大功建大節摠忠安民濟世氣豪  
雄天生義勇親王再得臨民衆奠安宗社

王國典禮 卷之五  
勤勞重丹書金冊受專封享皇家受用

六奏 樂天倫之曲 上玉樓 中呂

親親弟兄怡怡天性父母劬勞骨肉深恩  
連氣分形無間情篤至誠王能和敬樂天  
倫萬年嘉慶

七奏 集鴻禧之曲 黃蕃薇 越調

光燦爛珠簾明繡幌氣氤氳金鼎裊仙香  
稱良辰天清氣朗盡水陸珍羞宴饗龍旆  
鳳節韻琳琅鸞簫象板按宮商金波玉液

滿瑤觴賢王長慶賞千千載壽寧康

水仙子

皇明宗社復尊安呼吸惟王舉足間攄忠  
揆義心無憚立竒功濟大艱應天心無黨  
無偏遂萬年軍民願保一家骨肉全萬古  
名傳

小梁州

天將智勇錫賢王靖國安邦潛心揆義濟  
時康丹書上功業永流芳榮分鹵薄天王

仗賜金鞍寶劍金鎗列管絃齊歌唱仙音  
嘹亮時曲奉新章

勤美曰

藩王體尊宴饗得用大樂永樂中

周府繇進騶虞

谷府繇獻都門

成祖別製樂七章錫之

寵數優特非諸王所敢望夫仁獸瑞物且神

后山在

先定玉境內故召太史作樂以鳴其異當時  
比之角祇若谷庶人當之有慙德矣孔子  
之不滿大武厥旨深哉

禮記卷之五

五

王國典禮卷之五終

